

時爾能出麥豆六百五十石用助賑濟有司
以聞朕用嘉之今特



賜勅獎諭勞以羊酒旌為義民仍免本身雜
泛差役尚允蹈忠厚表勵鄉俗用副

朝廷褒嘉之典欽哉故勅

正統

封戶部湖廣清吏司主事耿繼玄及妻勅一道
奉

天承運

皇帝勅曰司空總國計之權民生是賴主事佐
饒陽縣志

卷三

二

卽官之政職務攸同故必藉清通之才斯可
責庶務之故茲惟慎選不以輕授今爾戶部
湖廣清吏司主事耿繼玄齋出宦門名成甲
第首擢地卿之屬實當曹務之繁守官克謹
乎操修佐計式勤乎出納賢勞既積最考是
書可無寵名以示褒勸茲特進爾階承德卽
錫之

勅命於戲國以財充必慎盈虛之節民為邦本
尚殫綏輯之勞勉副訓詞永膺顯耀欽哉勅

命

勅曰士夫名行每資內助之良

朝廷褒封乃有旁推之命典章具在存沒攸同
爾戶部湖廣清吏司主事耿繼玄妻王氏出
自名門嬪於良士持身儉約夙敦荆布之風
相祀恭勤克盡蘋蘩之職方期偕老遽即凶
淪爰摠彙章以申追卹茲特贈為安人懿靈
如在茂續其承

勅曰嬾職專於饋祀名不可虛

饒陽縣志

卷三

三

君寵重於褒封禮無容廢此國家之定制實閭
閻之至榮戶部湖廣清吏司主事耿繼玄繼
室王氏禮度祇嚴性資柔婉夙遵姆訓繼配儒
流井曰勤勞雖未躬於家食蘋蘩孝敬亦克
效於宗祝宜錫褒章以旌賢淑茲特封為安
人尚其祇奉益迓寵光

弘治

諭陝西布政司右叅議耿繼玄勅一道

皇帝勅諭陝西布政司右叅議耿繼玄西寧其
肅地方廣闊糧草浩繁難以一人總理今特

命爾前往涼州專一監督西寧莊浪廣儲常
盈豐盈五倉稅糧鹽糧料豆草束務在催徵
以時收貯如法兼管各該地方屯田水利嚴督
該管官司每歲趨時整理如有各府州縣部
運官吏人等故違限期及私自侵欺花費或
收支官攢人等通同虛出盜賣那移作弊或
無藉之徒兜攬誑騙恣意打擾倉場及官豪
勢要之家侵奪水利妨廢灌溉田苗者文職
六品以下并軍旗人等聽爾就彼拿送所在

問刑衙門依律問擬照例發落干礙軍職并
文職五品以上應奏請者具奏拿問爾須持
廉秉公正已率下務使人心警懼奸弊革除
邊儲充積水利通行斯為爾能如或因循怠
忽廢職誤事責有所歸爾其勉之慎之故諭
正德

封鴻臚寺鳴贊路舉勅一道

奉

天承運

皇帝勅曰鴻臚之職儀禮是司顧惟賓贊之員
實乃近侍之職茲惟慎選務在得人爾鴻臚
寺鳴贊路舉發迹成均列官朝籍班行奏引
禮度無愆臺部錫功年年駸積宜示褒嘉之
寵以彰近侍之榮茲特進爾階登仕佐郎錫
之

勅命夫職不計崇卑必求其稱事無論難易務
底於成勉圖職業之修以候官階之陟欽哉
勅命成化

饒陽縣志

卷三

五

封贈河南彰德府磁州知州張學及妻誥一道
奉

天承運

皇帝制曰知州古刺史之職所以布德宣令利
安生民必得其人乃克稱焉爾河南彰德府
磁州知州張學發身賢科歷遷今職歲年既
久政績著聞茲特進爾階奉直大夫錫之
誥命爾其益盡乃心修乃行使政平訟理以稱
朕愛養元元之意欽哉

制曰夫婦人之大倫故朝廷推恩群臣爰及其配存沒一也爾河南彰德府磁州知州張學妻李氏克相其夫而不偕老茲特贈為宜人九原有知歆茲殊渥

封贈河南彰德府磁州知州張學父母誥一道奉

天承運

皇帝制曰朕於群臣之盡職者必推恩於其親所以嘉勞而勸孝也爾張雲乃河南彰德府

饒陽縣志

卷三

六

磁州知州張學之父積善乃躬訓成賢嗣可無卹命以勵顯揚茲特贈為奉直大夫河南彰德府磁州知州靈爽不昧尚克成之

制曰母之賢於子徵之國有褒典朕奚吝焉爾李氏乃河南彰德府磁州知州張學之母慈儀茂著訓子能官宜錫

寵恩以示嘉勸茲特封為太宜人服此休光益

隆眷祉正德

封山西太原府同知張文行及妻誥一道

奉

天承運

皇帝制曰朕惟今列郡即古專城之職生蒞叢
夥賦役繁重矧會在府厥勞尤倍非得茂異
之才以贊佐興理之其能廣吾之化者幾希
爾山西太原府同知張文行早發賢科簡倅
名郡廉明詳敏無間初終屢登薦書茂揚華
譽最績來上殊慰朕心用特授爾階奉政大
夫錫之

饒陽縣志

卷三

七

誥命爾其祇服宏訓益勵操修國有峻階不爾
吝也欽哉

制曰古稱賢婦之行所以齊體一德內外相成
以明有功也朕嘉贊治之臣而必推及於其
配豈非錫其能助於爾山西太原府同知張
文行妻李氏育德於家克佐夫子用慎厥成
以顯名於仕牒茲特封為宜人茂膺綸綍之
榮益勵蘋蘩之職

封贈山西太原府同知張文行父母誥一道

奉

天承運

皇帝制曰自昔言孝曰立身揚名以顯父母夫
為人子者孰不有是心哉然非效勞國家湛
恩敷錫則其情固有所限而弗能以自遂矣
爾張賢乃山西太原府同知張文行之父孝
友著於家庭信義孚於鄉曲雖蓄德未擢而
哲胤嗣登足徵義訓榮承鼎養固天道福善
之報也茲特封為奉政大夫山西太原府同

饒陽縣志

卷三

八

知服我明綸足以怡老

制曰母氏之於子其劬勞有加焉而養有弗逮
此詩人所以懷靡恃之戚念罔極之報也非
朝廷為褒恤之則人子之私抑何以自慰耶爾
劉氏乃山西太原府同知張文行之母淑德
在躬孝恭靡懈流祥衍慶逮爾嗣賢稟命不
融朕所憫惜茲特贈為宜人匪徒為窳窳之
榮亦以慰夫生者

嘉靖

封光祿寺良醞署監事路曙勅一道

奉

天承運

皇帝勅曰國家設光祿所以供大內而監事實
協翼之非庶敏之士弗任也爾原任光祿寺
良醞署監事路曙端醇器宇通敏才猷發身
胄監洊至今官乃能恪謹持身精勤集事察
諸署出入之數稽四時供應之需三年於茲
官守無曠是用授爾階修職佐郎錫之

勅命爾尚一心營職勉稱任使陟明有典不爾
饒陽縣志

卷三

九

斬也欽哉萬曆

封贈山西太原府通判路擘及妻勅一道
奉

天承運

皇帝勅曰朕念邊儲重計特置郡倅以分理之
非精勤之才不以輕畀爾山西太原府通判
路擘志向端方才諳明敏早以明經之彥簡
為司餉之臣而爾出納惟均軍民稱便茲以
歲績特授爾階承德郎錫之

勅命夫今郡國十七傷於水旱物力大誦而成
卒仰食司農者未可驟損朕甚憂之爾既以
舉職受賞矣有可以佐縣官之急其益悉心
經綸以稱任使欽哉

勅曰婦之於夫有齊體之義故䟽榮之典不以
存沒殊焉重人倫之始也爾山西太原府通
判路曄妻楊氏毓貞望閭儷美詰人爾夫績
學爾與有勞焉及此服官而爾不逮良可憫
也是用贈爾為安人爰霽新恩用彰往勩

饒陽縣志

卷三

十

勅曰夫理餉之臣精心無二慮非得中饋之賢
能無內顧之思哉爾山西太原府通判路曄
繼妻劉氏夙以令儀嬪於良士前徽克嗣聞
政聿修爾夫奏績惟爾之助特封爾為安人
服此寵榮無忘儆戒

贈山西太原府通判路曄父母勅一道
奉

天承運

皇帝勅曰士有展采服官而未竟厥施者有餘

之慶恒於後人發之此天道也茲原任山西
平陽府趙城縣縣丞陸秦府奉祀正路網乃
山西太原府通判路曄之父久佐巖邑蔚有
能聲有子亢宗惟爾義訓爾之令緒益有光
矣特贈爾為承德郎山西太原府通判祇歆
顯命永耀幽原

勅曰子欲養而親不逮故執噐則慕良足惻也
匪藉國恩曷申孝思爾張氏乃山西太原府
通判路曄之母順正有儀柔嘉維則相夫起

饒陽縣志

卷三

十一

譽勗子能官懿範雖亡芳聲未泯茲特贈為
安人恩被九原榮逾三金萬曆

封翰林院帶俸四館辦事鴻臚寺司儀署
署丞田峻勅一道

奉

天承運

皇帝勅曰朕薦號尊

親班命行慶凡在廷列咸與休嘉彰異數也爾
翰林院帶俸四館辦事鴻臚寺司儀署

丞田峻業紹儒流藝精字學效勞史局恪職
象胥介此敷息宜承褒賚茲授爾階登仕郎
錫之勅命爾其益勵初忱克祗厥敘稽年敘
闕朕不汝遺欽哉

封贈翰林院帶俸四館教師上林苑監右
監丞田峻并妻勅一道

奉

天承運

皇帝勅曰國家化溥同文所資以揆聲教而通

饒陽縣志

卷三

又十一

荒裔者必有精幹之士司其職焉褒寵有章
弗容或靳已爾翰林院帶俸四館教師上
林苑監右監丞田峻家學有傳歷官無曠審
譯必歸明晰稽求罔懈夙宵既兼官于林衡
仍視祿于禁署可謂堯桷萃選已茲以覃恩
授爾階文林郎錫之勅命夫爾之所事不煩
簿書而謹持文墨惟勤惟慎乃能篤初業而
永令名欽哉

勅曰夫士奉職在公寧忘御窮之配故同其

敘不遺于結禱之賢所以表化源崇厚道也
爾翰林院帶俸四■館教師上林苑監右監
丞田峻妻丘氏敬恭有恪淑慎無儀業贊下
惟志賁捐佩偕榮雖違其夙願追恤庶酬其
徃勞茲以覃恩贈爾為孺人靈其不昧尚克
祇承

勅曰夫婦齊體爵秩與偕國有恒章不以後先
而有間爾翰林院帶俸四■館教師上林苑
監右監丞田峻繼室張氏秉柔順以嗣徽執
饒湯縣志 卷三 十一
恪愿而媿德方效勤于主饋忽殞志于即幽
不有愍章曷紓篤念茲以覃恩贈爾為孺人
明恩耀于下泉芳問垂乎中壺

封贈翰林院帶俸四■館教師上林苑監右
監丞田峻父母勅一道

奉

天承運

皇帝勅曰士有績學教身大用永究而貽其緒
業淑後人以供任使則追崇之典必先及焉

所為勸忠明報忠爾原任湖廣德安府孝感
縣知縣田龍乃翰林院帶俸四■館教師上
林苑監右監丞田峻之父通材博識碩德耆
儒權對大廷分符巖邑治平之績垂成高蹈
之轍莫挽歸來賦就世仰高風啓胤業專人
稱有子茲以覃恩贈爾為文林郎錫之勅命
式頒新寵于閔綸益闡前徽于往牒

勅曰朕觀樛木螽斯之詩而嘆廣嗣續以彰母

慈其恩至渥也國典疏榮宜首及焉爾鄉氏

饒陽縣志

卷三

又十三

乃翰林院帶俸四■館教師上林苑監右監

丞田峻之嫡母淑質幽閑令儀雍肅勤儉以

佐花封之業愛勞以成棣萼之榮茲以覃恩

贈爾為孺人貴松楸以流芳慰泉臺而生色

勅曰人子罔極之思于鞠育我者尤為切至矧

養之弗逮匪藉榮名曷以紓其堙鬱者乎爾

俞氏乃翰林院帶俸四■館教師上林苑監

右監丞田峻之生母天子慈仁性鍾謹約遵

中繫之訓夙著宜家鍾筦簞之祥丕彰迪哲

金養不待綸寵感膺茲以覃恩贈爾為孺人
光被玄壚譽昭彤管萬曆

論曰 饒邑歷代鄉官膺

恩寵者不止如右但世遠言湮匪直前代無
考即我

朝叅議如耿公父母應封四世同居如劉君
良七世同居如耿寬孝感如高富俱經奏
聞旌表其

誥勅今盡失傳故闕之非敢有遺也

釜養不待綸寵咸膺茲以覃恩贈爾為孺人
光被玄壚譽昭彤管萬曆

封贈山東濟南府武定州陽信縣知縣路陞父
母誥命一道

奉

天承運

皇帝制曰昔循吏之盛莫過於西漢乃父為牧
伯子為茂宰以濟其美者蓋亦鮮矣爾直隸
淮安府海州知州路曄乃山東濟南府武定

饒陽縣志

卷三

又十四

州陽信縣知縣陞之父學有淵源道為寔用
北溟奮翼共推秀發之才東海握符人誦豈
第之政去思慕其尸祝高風化夫望廬三徑
之歸甚果一經之啓有光縣譜親承堂構式
慶是用進爾階奉直大夫錫之誥命睠惟樹
棠之舊德嘉乃貽穀之成勞

制曰婦德無儀恒於夫若子徽之故親述作之
奕美以推本於閭職而後儀乃可知也爾
安人楊氏乃山東濟南府武定州陽信縣

縣路陞之母祇心溫惠秉性恬夷涉濇隨時虔
乎敬共珮環動叶乎宜適相夫以啓懸魚之
節育子而開夢熊之祥慈母留餘循良著績
是用加贈爾為宜人爰釋栝棧之慕永昭彤
管之輝

制曰人子之念劬勞也怙恃情均故國寵代為
酬之而况閱歷從宦周旋後先者乎爾封安
人劉氏乃山東濟南府武定州陽信縣知縣
路陞之繼母奉尊克孝御下惟慈蘋藻表其

饒陽縣志

卷三

五

柔嘉鳩鳩昭夫均愛婦儀母範以莫不宣州
綬邑符咸克有相數茲花封之績茂爾萱闈
之休是用封爾為宜人秩惟仍乎從夫禮則
崇於翼子

封贈山東濟南府武定州陽信縣知縣路陞
并妻勅命一道

奉

天承運

皇帝勅曰朕思理人之道惟在德讓誠得慈

之長以撫柔此民也隨地易施皆可用底于績爾山東濟南府武定州陽信縣知縣路陞豈第敦衷茂明卓識擢自廷對試以邑符始事而政已先聲更繁而才妙就熟潔已成務庭除為之肅清澌澤澹膏士民樂其孔邇屢登薦剡允矣賢良是用授爾階文林郎錫之勅命夫吏素習則易精無倦則美成爾以經術之通孺而重之以世業宜其效也可無勉懋以篤初忱與則余一人有顯擢

饒陽縣志

卷三

二十六

勅曰人臣寄在百里夙夜不遑必有代之職壹以紓內顧者而况一意寡慮幸無北門之嘆者哉爾山東濟南府武定州陽信縣知縣路陞妻薛氏賦資婉婉稟範肅雍鳴環珮而有齊效葛覃以無斁孝佐白華之養勤襄青簡之勞處沃能規從宦著績是用封爾為孺人益贊絃歌之化以揚琴瑟之風

萬曆三十九年三月十六日

論曰

饒邑歷代鄉宦膺

恩寵者不止如右但世遠言湮匪直前代無